

Javni poziv za prijavu na obuku Uči, misli i djeluj! Generacija 13!

Oznaka poziva: 17.01.0-N2.1-44

KO? Institut za razvoj mladih KULT provodi jednogodišnji program obuke omladinskih lidera/ki **UMiD** (Uči, misli i djeluj!), Generacija 13.

ŠTA? Obuka UMiD ti omogućava da postaneš aktivan/a lider/ica u svojoj lokalnoj zajednici i potpomogneš u rješavanju problema mladih, upoznaš nove prijatelje, naučiš nove vještine, družiš se i usavršiš sebe.

KAKO? Tokom obuke održati će se sedam dvodnevnih radionica i ljetna škola na kojima ćeš naučiti mnogo o sljedećim temama:

- Kako da postaneš aktivan građanin/ka i kako da animiraš svoje vršnjake da se i oni uključe u rješavanju problema mladih u zajednici?,
- Kako podjela uloga u timu može pomoći da budeš jači i bolji lider/ica?,
- Kako možeš uvjeriti donosiocice odluka i druge učesnike/ce u svojoj društvenoj zajednici da daju konkretnu podršku mladim ljudima?,
- Utječe li to što si momak ili djevojka da tvoje djelovanje u društvu bude značajnije?,
- Kako možeš bolje upoznati samog sebe i kako se nadograditi da budeš još bolja osoba?.

Radionice u sklopu obuke:

Timski rad i liderstvo
Građanski aktivizam i volonterstvo
Politika prema mladima
Pisanje i provođenje projekta
Javno zagovaranje i lobiranje
Odnosi s javnošću
Samoosnaživanje
Ljudska prava
Rješavanje konflikta
Traženje posla

Tokom obuke ćeš dobiti priliku da sa drugim mladim ljudima osmisliš konkretnu akciju u cilju rješavanja postojećeg problema u lokalnoj zajednici, čiju će realizaciju savjetodavno i finansijski podržati Institut.

Sa tobom će biti potpisan ugovor o pohađanju obuke. Svi uspješni polaznici/e će nakon obuke dobiti certifikat, a Institut će pratiti tvoj aktivistički razvoj i pružati ti podršku i nakon obuke.

KADA? Radionice će se održavati jednom mjesečno, počevši od kraja februara 2018.g., tokom petka, subote i nedjelje. Tokom ljeta održat će se ljetna škola. Termini radionica će biti planirani posljednji petak, subotu i nedjelju u mjesecu. Institut zadržava pravo izmjene u terminima radionica, s čim će odabrani učesnici/e biti pravovremeno informisani.

GDJE? Naša druženja bit će organizirana u Obrazovnom-raznodnom centru za mlade SPAJALICA u Ilidži.

TROŠKOVI? Nemoj se brinuti za troškove. Troškove putovanja, ishrane i smještaja snosi organizator.

PRIJAVA! Ukoliko si zainteresiran/a za obuku, imaš između 18 i 30 godina, živiš u BiH i želio/ljela bi da učestvuješ na obuci i budeš dio UMiD generacije 13, potrebno je da napišeš tekst o nečemu što bi želio/ljela promijeniti u svojoj zajednici i na koji način bi to učinio/la. Tekst ne treba biti duži od jednog lista A4 formata u fontu Verdana 10. Ukoliko smatraš da ćeš se bolje izraziti videom ili nekom drugom formom, budi slobodan/a to učiniti. Video ne bi trebao biti duži od 5 minuta. Za obuku se prijavi putem elektronskog prijavnog obrasca koji se nalazi na linku <http://mladi.org/myURL/umid13> putem kojeg ćeš nam dostaviti i svoj rad o zadanoj temi.

Ako te zanima kakvo je UMiD iskustvo za druge pogledaj video [OVDJE](#).

Dodatne informacije možeš dobiti i putem telefona **033 778 765** ili na email mirela.geko@kultbih.org. Prijaviti se možeš do **31. januara 2018. godine do 23.59 sati**.

Uči, misli i djeluj! Budi dio 13. generacije UMiD-a!

Uz podršku:



Embassy of Sweden
Sarajevo